




Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-34685/18 III MG
Sarajevo, 02.11.2018.godine



GRAD SARAJEVO
GRADSKO VIJEĆE
Hamdije Kreševljakovića 3
71000 Sarajevo
n/r Predsjedavajućeg Gradskog vijeća

Dana 11.10.2018.godine dostavili ste ovom Ministarstvu inicijativu Komisije za odnose sa vjerskim zajednicama i crkvama, sa 19. sjednice Gradskog vijeća Grada Sarajeva, održane 26.09.2018.godine, koja je zatražila da se Gradsko vijeće izjasni o inicijativi koju upućuje nadležnim organima Kantona Sarajevo.

INICIJATIVA:

„Komisija za odnose sa vjerskim zajednicama i crkvama upućuje inicijativu nadležnim organima Kantona Sarajevo da se na odgovarajući način riješi problem širenja neugodnih mirisa, odnosno nezdravih isparavanja sa gradske deponije na okolna naselja, kako bi se preveniralo narušavanje zdravlja građana.“

U dopisu je naglašeno da je Gradsko vijeće podržalo inicijativu i ona je postala inicijativom Gradskog vijeća.

ODGOVOR:

Inicijativa se odnosi na neugodne mirise i emisije u zrak sa deponije Smiljevići, a koji uglavnom potiču od emisije deponijskih gasova.

S tim u vezi, informišemo Vas da je 10.10.2018.godine završena izgradnja sistema za otpolinjavanje sa središnjeg dijela odlagališta (aktivne plohe 2008-2018.godina) sa 30 bušotina i ugrađena su 2



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića I




biofiltera. Bušotine su povezane u sistem i cjevovodima je doveden gas do energetskog postrojenja. Mjerenjem je ustanovljen procenat od 51–53% metana, što zadovoljava potrebe rada energane. Do dobijanja dozvole za rad postrojenja za proizvodnju električne energije od FERK-a, deponijski plin je preusmjeren na baklju, gdje se spaljuje. Realizacijom ovog projekta su u velikoj mjeri neutralizirani neugodni mirisi od deponijskih gasova, koji su emitovani u atmosferu bez ikakvog tretmana, nakon što je devastiran sistem otpolinjanja tokom iskopavanja u čeonom dijelu deponije 2014.godine, vršenog po zahtjevima Tužilaštva BiH.

Problem sa odvodnjom otpadnih voda takođe može uticati na neugodne mirise. Planom i programom sanacije deponije u sklopu RCUO Smiljevići 2016.-2020.godina predviđen je niz aktivnosti na rekonstrukciji i ponovnom puštanju u pogon uređaja za prečišćavanje procjednih voda. Deponija Smiljevići ima otežavajuću okolnost, jer nedostaje izgrađen kanalizacioni sistem na koji bi se priključio predtretirani effluent. Ovaj problem je višekratno iznošen Općini Novi Grad i traženo je da se problem izgradnje kolektora riješi kao prioritet Općine Novi Grad. Problem nedostatka kanalizacije direktno utiče na uvjete života stanovništva naselja Zabrdje, a kvalitet Lepeničkog potoka je kritičan, što je osobito problematično pri niskom vodostaju. Kako se izgradnja sistema javne odvodnje otpadnih voda naselja Zabrdje mora rješavati urgentno, stoga se i monitoring procjednih voda i buduće aktivnost oko prečišćavanja procjednih voda odnose na prečišćavanje ovih voda do stepena za ispust u sistem javne odvodnje.

Realizacija Programa sanacije 2016-2020.godina, pored radova na otpolinjanju i tretmanu procjednih voda, podrazumijeva i prijedloge za održavanje deponije i izgradnju novih sadržaja neophodnih za smanjenje količina otpada za odlaganje. Napominjemo, takođe, da je otpočela izrada Prostornog plana područja posebnog obilježja „Regionalni centar za upravljanje otpadom (RCUO) Smiljevići“, koja predviđa proširenje obuhvata deponije sa sadašnjih 53,4 ha na 94,3 ha. Prostornim planom će se utvrditi sadržaji Centra, preispitati uskladenost postojećih sadržaja sa planiranim namjenama i uskladiti namjene sa tehnološkim postupkom (ulazno-izlazne zone, prostori za reciklažno dvorište i sortirnicu, prostor za mehaničko-biološki tretman otpada, reciklažni plato za građevinski otpad, prostori za odlaganje otpada, tijelo deponije, zone za prikupljanje i obradu deponijskog plina i procjednih voda i adekvatni prateći sadržaji). Za ovaj Plan će se raditi Strategijska procjena uticaja na okoliš, koja ima za cilj identifikaciju i procjenu uticaja Plana na okolini prostor, a čiji će rezultati i smjernice biti implementirani u Plan. U dokumentu strategijske procjene se identifikuju, opisuju i procjenjuju značajni uticaji provođenja Plana na okoliš, zaštitu prirode, zaštitu zdravlja ljudi i kulturne baštine i moguće alternative, koje uzimaju u obzir ciljeve zaštite okoliša i karakteristike područja na koje se Plan odnosi.

S poštovanjem,


MINISTAR

Čedomir Lukic, dipl.ing.arh.

Dostaviti:

- Naslovu
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

